



Imilao Ili Kumi

- **Nkaambo nzi Leza wakapa milao?**
 - **Sena inga ndainka kujulu kuti ndaitobela?**
 - **Ino kuti na ndaityola milao?**
 - **Ino inga ndalekelelwa buti zibi zyangu?**

Kolanga mukati kwiingulwa mibuzyo eeyi!

Kuli kunyongana kupati kujatikizya milao ili kumi musa njakapegwa kuli Leza. Bantu banji basyoma kuti bayelede kutobela milao kucita kuti bacikonzye kwiinka kujulu, pesi tabusi Bbaibbele mbolyaamba.

Muli 1 Timoteo 1:8 yaamba kuti, *“Eno swebo tulizi kuti mulao mubotu kumuntu uubamba kabotu.”* Imilao ili kumi mibotu kuti waibelesya munzila iluzi, pele bamwi baibelesya munzila italuzi. Leza takatukanzila kuti tui bambe kusola kuti twiinke kujulu. Ino nkaambo nzi ncoyakapegwa?

Milao Itutondezya Zibi Zyesu

Ba-Roma 3:20 yaamba kuti, *“...nkaambo kumulao nkocizibika cibi.”* Milao yakapegwa kuti itutondezye kuti tuli basizibi. 1 Timoteo 1:9 ayalo ilacitondezya eci, *“Kufumbwa anooyeeya kuti mulao tuucitilwi muntu uuluzi, ulacitilwa basigama abantu bapilingene, basikasampusampu abasizibi...”*

Milao Itutondezya Kupenga Kwesu

Ba-Galatiya 3:10 yaamba kuti, *“Ikuti boonse bali buti bayeeya kuti tuli basikucita mulao bali alutuko, nkaambo kulilembedwe kuti, uli alutuko umwi aumwi uutakalilili mumakani oonse aalembedwe mubbuku lya-mulao akwaacita.”* Kuli lutuko kubantu boonse batakabamba milao. Ino olu lutuko ncinzi? Lufu lwa ku-muuya ndo-lutuko. *“Nkaambo cakuvola cazibi ndufu...”* Ba-Roma 6:23. *“... Muntu uubisya, ngonguwe uuyoofwa.”* Ezekieli 18:4.

Kasimpe nkakuti, boonse babisya alimwi boonse bakaityola milao eeyi. Taakwe muntu naba omwe uupona uwakaibamba kale milao eyi yoonse. Aboobo, bantu boonse bali alutuko lwa-lufu mukalambwe kamulilo nkaambo ka-kutyola milao ya-Leza.

Kusola kutobela milao tacikonzi kugwisya mulandu alimwi tacikonzi kugwisya lutuko. Imilao taitupi bulangizi. Muli II Ba-Korinto 3:7, milao iitwa kuti *“milimo yamakani aalufu.”*

Milao Itutondezya Kukompama Kwesu

Bantu banji loko basyoma kuti, kuti na basola kubamba milao, kuti inga Leza wababeda aaluse aku balekelela. Eci tacyiisigwi mu-Bbaibbele. Mubwini, kuli zintu zyobile mulao nzyoutakonzi kucita.

1. Mulao taukonzi kulekelela zibi. Ba-Galatiya 2:16 yaamba kuti swebo, *“Pele tulizi kuti teensi milimo ya-mulao iilulamika muntu.”* Kululamikwa caamba kulekelela munzila imwi. Leza waamba kuti kunyina muntu ukonzya kulekelelwa ku-mulao! (Alimwi amubone muli Ba-Galatiya 3:11, 5:4; Ba-Roma 3:20, 3:28)

2. Mulao taukonzi kupa bululami. Tulizi kuti tatukonzi kwiinka kujulu pele buyo kuti katululeme. Bamwi bayeeya kuti inga baba balulami mukusola kubamba milao. Leza ula tucenjezya kulweeno olu. Muli Ba-Galatiya 2:21, *“Kuti bululami nibwali kuzwa kumulao, nkukwaamba kuti kufwa kwa-Kristo nikwakaba kwabuyo.”* Ikuti na uyeeya kuti inga waba mululami mukutobela milao, ubikka milimo yako mucibaka ca-mulimo wa-Kristo a-ciingano. Jesu alike ngukonzya kukululamika kutali milimo yako. Ambweni usyoma cintu citaluzi. Mweelede kucinca kuyeeya kwanu akusyoma Kriso kuleka milao. Jesu takonzi kukugwasya kuti kosyoma milao. *“Na mulayanda kululamikwa ku-mulao, elyo Kristo tacijisi milimo yakumugwasya,”* Ba-Galatiya 5:4.

Milao Itutondezya Mufutuli

Twazwa akwaamba kuti mulao taukonzi kulekelela zibi alimwi taukonzi kupa bululami. Makani mabotu ngakuti Jesu ulakonzya. Ciiyo cipati ku-mulao ncakuti tuli basizibi akuti Jesu nguyandika kuti atulekelele.

Ba-Galatiya 3:24-25 *“Aboobo mulao wakatubede mbuli simalelo mane kusikila kuciindi ncati keze Kristo, kuti tululamikwe alusyomo. Pele lino mbulwasika lusyomo, tatucili mumaanza asimalelo.”* Mulao mwiiyi buyo ututondezya Jesu nguyandika kuli ndiswe. Tatukonzi kutambula kulekelelwa kwazibi zyesu mbuli bulumbu, pele walo

ulacikonzya kutupa lulekelelo mbuli cipego buyo. “*Caabilo ca-Leza mbuumi butamani bwamuli- Kristo Jesu Mwami wesu*” Ba-Roma 6:23. Kuti Jesu wamutambula sunu, ulakupa buumi butamani. Ikuti usola kutambulwa kujulu nkaambo kakucita milimo mibotu ya-mulao, tokonzi kwiinka. Lufutuko ncipego buyo, tacili cikwelete.

Ikuti na wamutambula Jesu, ulaba “*abululami bwakwe, nkaambo kakulekelelwa kwazibi,*” Ba-Roma 3:25. Jesu ulapa kulekelela abululami. Imilao taikonzi kucicita eci. Ncili ncoyanda kusyoma kulufutuko lwako?

Tokonzi kwiinka kujulu kuti kosyoma cintu citeelede. Kuti na wali kusyoma milao tofutukide. Sena inga weempwa lino akuyoma Jesu alike kulufutko lwako? Kuti na mbobo, inga wapaila mupailo oyu walusyomo: Ooyaandwa Jesu, ndilizi kuti ndili sizibi alimwi ndeededwe cisubulo ca-kalambwe kamulilo nkaambo kazibi zyaangu. Ndilizi kuti wakandifwida alimwi uyanda kuti mebo ndisyome nduwe kuleka milimo yangu ami lao. Ndakomba koboola mu-buumi bwangu, lekelela zibi zyangu akundipa bululami bwako kuti nkacikonzye kwiinka kujulu. Ndalumba Jesus! Ameni.

Nawa sala kusyoma Jesu Kristo kuti abe mufutuli noomana
kubala kapepa aka, utu lembele kuti tu zibe.

Izina _____

Keyala _____

Dolopo _____

Cisi _____

Myaka yaku zyalwa _____



FELLOWSHIP TRACT LEAGUE

P.O. BOX 164 • LEBANON, OH 45036

www.fellowshiptractleague.org © Tract 8187 (Tonga)

All tracts free as the Lord provides. Not to be sold.